



USAID
FROM THE AMERICAN PEOPLE



CNFA
Cultivating New Frontiers
in Agriculture


Ukuzimisela ngokulima lokufuya

1.



Indaba - Xoxani

Ukufuya lokulima kuqathekile kakhulu ekwakheni umuzi. Yikho okwenza abantwana ekhaya bondleke njalo umuzi uthole imali. Ugatshompo yindlela yokulima efanele izigaba esakhe kizo. Lindlela yokulima ilomsebenzi omnengi kodwa ipha inzuzo enkulu nxa usuvuna. Ukufuya lakho kubisa imali ekhaya njalo kupha umuzi ukudla okuthile okulomsoco. Nxa ulima kuhle njalo ufuya, umuzi ubalemali engcono engasetshenziswa entweni ezinengi ezigoqela imali yezikolo, imali yezibhedlela, ukudla lokunye okubisa intuthuko lenhlalakahle.



Ugatshompo

Kuqathekile ukuba sinanzelele ukuba imuli zethu zithole ukudla okulomsoco ekulimeni lekufuyeni kwethu. Singapha abantwana uchago (olwenkomo lembuzi), amaqanda kuthi lapha lalapha sibambe sihlabe abantwana bathole inyama. Kuqathekile ukuba abantwana bathole ukudla okwaneleyo njalo okutshiyeneyo njalo njalo ukuze bakhule kuhle bondlekile.



Hlaba imuli ithole isitshebo.



2.



Indoda emadodeni ingenzani?

- Indoda emadodeni iyaxoxisana lomkayo bavumelane ukuthi bazakwenzani ukuze imuli yabo ithole ukudla okulomsoco. Bangavumelana bayambisana ekwenzeni.
- Indoda emadodeni iyafuya izifuyo ezitshiyeneyo njalo iyalima emasimini lasengadini.
- Ngesikhathi sezulu, indoda emadodeni iyakha ingadi ekhaya ngoba ngalesisikhathi akudingakali ukuthelelwa. Engadini le kulinywa imibhida, amatamatisi, idelele, indumba ezitshiyeneyo, amakhomane lamathanga lokunye.
- Ngesikhathi kulokudla okunengi, indoda emadodeni iyancedisa ekhaya ngokomisa ukudla, ukwenza imifushwa ngemibhida etshiyeneyo lamathanga lezithelo ezitshiyeneyo lokunye ukudla nje, ukuze kutholakale ngesikhathi sebusika kumbe lapho okuthe kweza indlala.
- Indoda emadodeni iyakhuluma lomkayo bavumelane ngokuba kuhlatshwe isifuyo.
- Indoda emadodeni ingathola imali iyakhulumisana lomkayo ngokuba kwenziweni ngaleyo mali.

3.



Izinqumo zendoda emadodeni

Cela oxoxe labo babalele phezulu lokhu okungaphansi lawe ulalele. Bangaqeda cela babeke uphawu lwabo phansi ukugcizelela izinqumo zabo.

NXA ULEMULI

Ngiyindoda emadodeni ngoba ngiyanakekela imuli yami. Ngizimisele ekulimeni lasekufuyeni ukuze ngondle imuli yami kuhle.

NXA UNGAKATHATHI

Ngiyindoda emadodeni ngoba ngiyaphathisa ekulimeni lasekufuyeni ngekhaya. Ngiyaphathisa kulokhu ngisenzela ukuba abantwana ekhaya bakhule kuhle njalo bondleke.

- Ngizancedisa ekutshayeni ugatshompo, ekuhlakuleni lekwethuseni inyoni lasekuvuneni.
- Ngizakhulumisana lomama sibonisane ngalokho okufunakalayo ngekhaya njalo sizabonisane ngokuba kwenziweni ngemali esekhaya.

4.

Ngiyindoda Emadodeni



Uphawu

- **Loba uphawu lwakho ukhombise ukuzimisela kwakho ekubeni yindoda emadodeni.**